



Indgået

31 MAR. 2017

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Inatsisartunut ilaasortaq
Peter Olsen
Inuit Ataqatigiit

§ 37 naapertorlugu apeqqut nr. 121-mut akissut

23-03-2017
Sags nr. 2017 – 5225/AAN
2017-6196

Inatsisartut suleriaasianni § 37, imm. 1 naapertorlugu Naalakkersuisunut apeqqutit ataani allassimasut apeqqutigisimavatit.

Postboks 1037
3900 Nuuk

Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl

- a. 6 procentimik ilassutaasartuq ukiumut qanoq isertitaassutigineqartartigiva, takuuk Akileraartarnermik ingerlatsinermut inatsisip § 27, imm. 1?**

Ukiumi akileraarfiusumi 2015-imi, § 27, imm. 1-imi ilassutaasoq 18,7 mio. DKK-inik isertitsivoq.

- b. A-mut tunngatillugu; iluanaarutaajumaartussa q tunngavimmigut sunnerneqassanerpa tunngaviumik killigititaq 99 kr.-niit soorlu ass. 20.000kr-nut imaluunniit 40.000 kr.-ninut allannngortinneqarneratigut?**

Tunngaviumik killigititap 20.000 DKK-nut allannngornerani iluanaarutit 19.000 DKK-t missaanni appariassapput kiisalu tunngaviumik killigititap 40.000 DKK-nut allannngornerani 99.000 DKK-t missaanni appariassallutik.

- c. Naalakkersuisut naatsorsuutiginerpaat (taamaassimassappallu qanoq annertutigisumik) tunngaviumik killigititap allannngortinneratigut (takuuk apeqq. B) tamatumalu nassatarisinnaassanerlugu Akileraartarnermut Aqutsisoqarfimmi ingerlatsinermi allaniluunniit aningaasartuutit qaffasinnerulernerinik?**

Tamatumunnga atatillugu allaffissornermi aningaasartuutininik erniinnartumik qaffattoqassanngilaq. Allannguinerli ilaatigut Akileraartarnermut Aqutsisoqarfiup systemiinik aqqissuussinermut atatillugu aallartisaanermut ataasiartumik aningaasartuutininik nassataqassaaq.

- d. Naalakkersuisut isumaqarnerpat tunngaviumik killigititaasup annertuserineratigut suliffeqarfiit mikinerusut iluaquserneqarnerujumaartut?**

Suliffeqarfiit mikinerusut 6.360 DKK-isut imaluunniit 12.720 DKK-isutut annertutigisut sipaarutigisalersinnaavaat, apeqqutaaginnarluni tunngaviumik killigititaasup annertussusaa.

Suliffeqarfiit peqatigiiffiillu amerlanerpaartaat akileraarusigassanik 99 DKK-minngaanniit 20.000 DKK-mut aammalu 99 DKK-minngaanniit 40.000 DKK-p tungaanut isertitaqartarput, taakkualu amerlanerpaartaat akileraarutitigut ilassummik

pineq ajorput, Akileraaruserinermik ingerlatsineq pillugu Inatsisartut inatsisaat nr. 11, 2 november 2016-imeersumi §19 imm. 1 naapertorlugu. Akileraarutitut akilersuisartut 2/3-terutaat qulaani taakkartorneqartoq akileraartarnermut tunngassuteqartoq kisimi aallaavigalugu akileraarutitut akileraaruteqartarput. Taamaattumillu iluanaarutit apeqqummi b-mi aamma akissutigineqarsimasoq eqqarsaatigalugu allannguuteqangaarnaviangillat.

Akileraartarnermut Aqutsisoqarfimmi kisitsisaatigineqartut malillugit Kalaallit Nunaanni inatsisitigut pisinnaatitaasut 2.000-it missaanniipput. Suliffeqarfiillu mikinerit angerlarsimaffimmiunerusoq ingerlanneqartarput, taamaattumillu tunngaviummik killiliussap allanngortinneqarneranut attugaanaviarnatik. Naalackersuisuninngaanniit itigartitsissutigineqarsinnaangilaq taamannak allannguuteqartoqassagaluarpat suliffeqarfeeqqanik ingerlatserusussutsip qaffariaateqannginnissaa, kisiannili qulaani akissutigineqareersututaaq allannguutip kingunerisaanik allanngortoqarnerata annertusinnaanissaa ilimagineqanngilaq.

e. Naalackersuisut ilisimatitsissutigisinnaanerlugu suliffeqarfiit qassit tunngaviummik killiliussap allanngortinneqarneratigut iluaquserneqarsinnaajumaartut, takuuk apeqqut b?

Tunngaviummik killiliussaq 20.000 DKK: inatsisitigut pisinnaatitaasut 747-it, taakku akornanni 449-it isertitaqanngitsut. Sinneruttut 298-it iluanni 248-it §19-i aallaavigalugu akileraarutitut ilassut kisiat isertitsissutigisarpaat, taakkunanilu suliffeqarfiit sinneruttut 50-it eqqugaajumaarput.

Tunngaviummik killiliussaq 40.000 DKK: inatsisitigut pisinnaatitaasut 793-it, taakku akornanni 449-it isertitaqanngitsut. Sinneruttuni 344-ni inuit 248-it §19-i aallaavigalugu akileraarutitut ilassut kisiat isertitsissutigisarpaat, taakkunanilu suliffeqarfiit sinneruttut 96-it eqqugaajumaarput.

f. Naalackersuisut akileraasusiisarnermi annertusiartuaartitsilluni aaqqiisinnaaneq qanoq nalilersinnaanerpaat, tamatumani suliffeqarfiit nutaat aallartinneqarneranni akileraarutitigut oqilisaasoqassapat?

Suliffeqarfinnut aallarterlaanut annertusiartuaartumik akileraaruseeriaatsimik ingerlatsisoqassagaluarpat iluaquteqarlunilu ajoquteqarpoq. Ajornartorsiut takkussinnaavoq, suliffeqarfiit periarfissaqalissagamik suliffeqarfinnik nutaanik pilersitsisinnaanissaminut annikinnerusumik akileraarutitut akiliinissaq siunertaralugu. Annikinnerusumik akileraarutitut akiliiffiusussami ulloq killigitinneqartoq qaangiuppat, suliffeqarfimmik nutaamik aallartitsisoqarsinnaangussaaq, ingerlanneqartullu suliffeqarfimmut nutaamut nuunneqarsinnaallutik. Taamaasiornikkullu annikinnerusumik akileraartuaannarsinnaaneq anguneqarsinnaalluni. Naalackersuisut nalilerpaat suliffeqarfiit aqqissugaaneri pillugit isumaliutersorsinnaasoqartariaqanngitsoq.

Aammattaaq annertusiartuaartumik akileraarutitut akiliisoqartalissagaluarpat Naalackersuisut isumaqarput allaffissornermut suliassat annertusissasut, tassami

suliffeqarfiit assigiinngitsunik akileraarutininut akileeriaaseqassammata.
Assigiinniingippatami Akileraartarnermut Aqutsisoqarfimmi annertunerusumik
allaffissornermut aningaasartuuteqartoqassammat.

Eqqaassutissiissutiginiarparput maannakkut suliffeqarfiit Aningaasarsianit akileraarutit
pillugit Inatsisartut inatsisaat nr. 12, 2. November 2006-imeersoq aallaavigalugu § 30
imm. 2-miit 8-mut naapertorlugit ukiuni tallimani amigartooruteqarsinnaatitaammata.
Isertitat akileraarusigassat ukiup ataatsip iluani amigartoorutaasimappata, tassa
imaappoq isertitat aningaasartuutinit annikinneruppata, taava taakkua ukiuni tallimani
tulliuttuni akileraarutininut ilanngaataasartunut ilanngunneqarsinnaapput.
Taamaasiornikkullu suliffeqarfiit aallarterlaat aamma piffissap ingerlanerani
atugassarisaat pitsaasutut inissisimapput.

**g. Naalackersuisut periarfissatut isiginerpaat, ass. ukiuni 2-ni siullerni
suliffeqarfinnut aallarterlaanut akileraarut appartinneqassagaluarpat?**

Amerlasuutigut suliffeqarfiit aallarterlaat ukiuni siullerni amigartooruteqartarput
aallartisarnermut aningaasartuutit pequtaallutik. Taamaattumillu amerlasuutigut
akileraarusigassanik isertitaqarneq ajorlutik. Taamaattumillu ingerlatseqatigiiffiit
akileraarutaasa procentiata apparneqarnera suliffeqarfiit aallarterlaanut
iluqaataassanngillat.

**h. Naalackersuisut suliffeqarfiit pillugit akileraarusiisarnernut tunngatillugu
qanorpiaq pilersaaruteqarnerpat?**

Ingerlatseqatigiiffiit akileraartarnerat siornatigut Kalaallit Nunaanni
eqqartorneqartarnikuuvoq, amerlasuutigulli ersarissarneqartarluni nalikilliliinikkut
iluqaqtissat. Assersuutigalugu Kalaallit Nunaanni nalikilliliisinnaatitaanermut inatsit
malillugu suliffeqarfiit maannakkumut periarfissaqarput ulloq siulleq aallarnerfigalugu
50.000 DKK-p tungaannut nalikilliliinissaminnut, inuussutissarsiutillillu 100.000 DKK-
ip tungaanut nalikilliliisnaallutik, taamaasiorsinnaappullu Aningaasarsianik
akileraarutit pillugit Inatsisartut inatsisaat nr. 12, 2. November 2006-imeersumi §§ 22
aammalu 23 naapertorlugit. Tamannalu suliffeqarfinnut nutaanut aallartittunut
iluqaqtissaavoq.

Maannakuugallartumut ingerlatseqatigiiffiit akileraartariaasiannut tunngatillugu
allannguutissanik pilersaaruteqanngilagut. Kisiannili naalackersuisoqatigiinnissamut
isumaqatigiissut malillugu neriuutaavoq ingerlatseqatigiiffiit akileraarutaasa procentiata
appartinneqarnissaa, akileraartarnermut procentip annikinnerunissaa sukumiinerusumik
misissorneqaaqqaassaaq unammillersinnaaneq, imminut pilersorsinnaaneq kiisalu nunami
maani nioqqutissanik suliareqqiisarneq eqqarsaatigalugit.

Neriuppunga apeqqutigisatit akissutinni tamarmik akineqartut.

Inussiarnersumik inuulluaqqusillunga
Med venlig hilsen

Aqqaluaq B. Egede